

2. Джейми, С. Уолтерс. Качественная эволюция малого бизнеса. 4 ключа к успеху без необходимости расширения компании / Джейми С. Уолтерс. - М.: Баланс Бизнес Букс, 2017. - 296 с.

Якубова А.А., 1 курс (академик Е.А. Бөкетов атындағы ҚарУ)  
Ғылыми жетекші – э.ғ.к., профессор Мамбетова С.Ш.

## ҚАРАҒАНДЫ ОБЛЫСЫ ОСАКАРОВ АУДАНЫНДАҒЫ ӘЛЕУМЕТТІК САЛАДАҒЫ БИЗНЕСТІ ДАМУДЫҢ ҚАЗІРГІ ТАҢДАҒЫ ЖАҒДАЙЫН ТАЛДАУ

Осакаров ауданының құрамына 52 елді мекен кіретін 22 ауылдық округ және 2 кент орналасқан, халқының саны статистика деректері бойынша 34,7 мың адам.

Елбасымыз жыл сайынғы Қазақстан халқына Жолдауында, ең негізгі фактор ретінде адами факторға, оның денсаулығына, білім алуына, әлеуметтік қолдауға ие болуына баса назар аударып келеді. Елбасы «Болашаққа Төртінші өнеркәсіптік революция жағдайындағы дамудың жаңа мүмкіндіктері» атты 2018 жылғы Жолдауының «Адами капитал – жаңғыру негізі» атты 7-ші бағытында «...барлық жастағы азаматтарды қамтитын білім беру ісінде өзіміздің озық жүйемізді құруды жеделдету қажет» - деген болатын.

Осы тұрғыдан, Осакаров ауданында бірқатар іс-шаралар жүзеге асырылды және іске асырылуда [1].

Әлеуметтік қамтамасыз ету мәселесіне тоқталатын болсақ, Осакаров ауданында 2018 жылы жұмыссыз ретінде 178 адам тіркелген (2017 жылы-110 адам). 167 жұмыссыз адам жұмысқа орналастырылды, 129 адам қоғамдық жұмыстарға қатысты. Аз қамтылған кедейлік шегінен төмен тұратындар саны 80 адам, бұл 2019 жылмен салыстырғанда 51,2% - ға төмен (164 адам).

Кент аумағында емханасы бар орталық аудандық аурухан жұмыс істейді. Аурухана ғимараты типтік, 2007 жылы салынған, жылыту жүйесі орталықтандырылған, телефонмен қамтамасыз етілген, халыққа сапалы және қалыпты қызмет көрсету үшін барлық жағдайлар жасалған.

Осакаровка кентінде жалпы орындық саны 39 үш жалпы білім беретін мектеп жұмыс істейді, 1448 оқушылар оқиды. 1 – саз мектебі, 1 оқушыларға қосымша білім беру орталығы (ОҚББО). Мектептердің материалдық-техникалық базасы қанағаттанарлық, компьютер сыныптары, мультимедиялық кабинеттер жұмыс істейді, интернет желісіне қосылған.

Екі балабақша бар: «Нұрай» және «Балдырған» 444 орын, келушілер саны – 431, № 12 орта мектепте 45 орындық 1 шағын орталық құрылды.

2005 жылдан бастап балалар-жасөспірімдер спорт мектебі (БЖСМ) жұмыс істейді, онда 380 бала әр-түрлі спорт түрлерімен айналысады.

Дене шынықтырумен және спортпен айналысу үшін кентте спорттық көпфункционалды теннис алаңы, стадион, балалар-жасөспірімдер спорт мектебі, физикалық сауықтыру кешені бар. Кесте мәліметтерінен Осакаров ауданындағы денсаулық сақтау және білім беру объектілерінің санының 2019 жән 2020 жылдары өзгеріссіз қалғанын байқауға болады (кесте).

Кесте 1

**Денсаулық сақтау және білім беру объектілері**

Денсаулық сақтау объектілері	2019	2020
Медициналық мекемелер	42	42
Мед. персоналдар саны	283	283
Дәрігерлер	56	56
Орта персонал	230	230
Білім беру объектілері		
Орта	25	25
Бастауыш	4	4
Негізгі	10	10
Компьютерлендірілді	39	39
Интернетке қосылған	39	39
Мектеп жасындағы балалар саны	5093	5078
мектеп жасына дейінгі балалар (6 жасқа дейін)	2309	2309
Е с к е р т у – [2] дереккөзі негізінде құрылған		

Баспана мәселесіне тоқталатын болсақ, жалпы алаңы 1724 шаршы метрді құрайтын 24 пәтерлі коммуналдық тұрғын үйді 2018 жылдың қаңтарында пайдалануға берілуіне байланысты 2020 жылда тұрғын үй құрылысы көлемінің төмендеуі байқалады.

2019 жылы жергілікті бюджеттен жобалық-сметалық құжаттамаларды әзірлеуге келесі объектілер бойынша қаражат бөлді:

- 11млн. 716 мың.теңге - «Осакаров ауданының Шоқай ст. сумен жабдықтау желілерін қайта құру»;

- 11 716 мың.теңге - «Осакаров ауданының Осакаровка к. 6-шы кезек су құбырының жүйесін қайта құру».

Жұмыспен қамту мәселесін шешу жолдары еңбек нарығында жұмыспен қамту аясында белсенді саясатты жүргізу, жаңа жұмыс орныдарын құру, жұмыссыздарды жұмысқа орналастыру, қоғамдық жұмысты ұйымдастыру, халықты жұмыспен қамту саласында азаматтарды әлеуметтік қорғау бойынша қосымша шаралар қолдану және жастар тәжірибесін өту үшін жұмыс орныдарын құру болып табылады.

**Әдебиеттер**

1. «Нәтижелі жұмыспен қамтуды және жаппай кәсіпкерлікті дамытудың 2017-2021 жылдарға арналған бағдарламасын бекіту және "Үкіметтік бағдарламалардың тізбесін бекіту және Қазақстан Республикасы Үкіметінің кейбір шешімдерінің күші жойылды деп тану туралы" Қазақстан Республикасы Үкіметінің 2015 жылғы 30 желтоқсандағы № 1136 қаулысына өзгеріс пен толықтыру енгізу туралы» Қазақстан Республикасы Үкіметінің 2016 жылғы 29 желтоқсандағы № 919 қаулысы

2. Осакаров ауданының 2016-2020 жылдарға арналған даму бағдарламасы// <http://www.osak-akimat.gov.kz>.